

BHSF magazin

Broj 4, Godina 4.



TETOVAŽE



HOKEJ ZETRA



NISAM KRIV!



NEKADNI
KADROVI
IZ
BOSNE I
HERCEGOVINE
KOJI SU
BILI
DJELOVNICI
U
KRAĐAMA
I
KORUPCiji

IZ OBLASTI ZAŠTITE I SUDSTVA

BHF magazin

Sadržaj

✦ *DOSTA*

✦ *INTERVJU - SEFA*

✦ *BHF ON TOUR - ZENICA*

✦ *BHF ON TOUR - SARAJEVO, HOKEJ*

✦ *NAVIJAČI U SVIJETU - EGIPAT*

✦ *BHF TIFO - STENARDI*

✦ *TETOVAŽE*

✦ *PISMO ZA VOĐU*

DOSTA

U posljednjih par sedmica aktuelna je priča da će Munibu Ustranoviću biti produžen mandat. Kao da im nije dovoljno što su on i njegova ekipa već nakrali toliko da će BH fudbal ispaštati godinama, i što se protiv njega vodi sudski proces iz kojeg ga samo velike veze mogu izvući.

Ali postoji nešto od čega ga ne može spasiti nikakva veza. To je gnjev i bijes ispaćenog i izmučenog naroda. Naroda koji godinama trpi da mu neko poput Ustranovića kroji život kroz politiku, vjeru i sve druge aspekte života, i još više ga uvaljuje u tamnu jazbinu našeg društva.

BHF već dugo vremena pokušava djelovati revolucionarno i pokrenuti neku reakciju. Sve to do sada smo radili mirnim i civiliziranim metodama. Ali vrijeme je da se kaže DOSTA. Dosta omalovažavanju, potcjenjivanju, represiji, krađi i svim drugim pošastima koje «naši» političari i njihovi glomazni birokratski aparati maksimalno koriste jer su navikli da im na to niko ne odgovara.

Eh, pa vrijeme je da se to promijeni. BHF će pokazati da se i mi znamo igrati grubo, prljavo i udarati laktovima. Istina, ovim likovima će takva igra biti kao igra na domaćem terenu, ali

nas to ne plaši. Ipak Bosna i Hercegovina i sve što se tiče nje pripada svakom od nas, podjednako kao i svakom od njih. Ukoliko se Munibu Ustranoviću produži mandat poduzećemo izvjesne radikalne mjere. Ovo može zvučati kao neosnovana prijetnja ali to nije slučaj. Ovo nije prijetnja nego upozorenje, a to da li je neosnovano će mnogi osjetiti na svojoj koži (bukvalno!) ako se ovaj cirkus nastavi.

Vjerovatno se pitate šta mi možemo uraditi!? Zamislite šta može grupa mladih momaka i djevojaka koji vole ovu zemlju, više nego što to iko može zamisliti, a u isto vrijeme gledaju kako neko gazi po toj zemlji i njenim svetinjama. Zamislite situaciju u kojoj gledate da vam neko maltretira majku, sestru, brata. Šta biste bili spremni uraditi da se revanširate toj osobi? To BHF može uraditi.



Intervju - Sefa - bn



sebi napravio dux hehe... Na poluvremenu pridem Bengalu i pitam ko je odgovoran za članarinu, on me uputi kod donnybrasco-a. Sa njim razmijenim brojeve, ali on je imao nekih problema i nije mi se javio. Onda sam kontaktirao bordosenu i tako postao član. Napriča se ja hehe

BHF: uh ti si se bas napatio da postaneš član. Jel vrijedilo truda?

SEFA: Jest, i to mi je drago, jedino žalim sto ranije nisam imao neta.

BHF: Tako je znači počelo, a kako se nastavilo? Znaš li uopšte na koliko si tekmi sa BHF-om bio?

BHF: Kako ide Sefa?

SEFA: Mašala, kod vas?

BHF: Isto tako, ali nećemo o nama...

BHF: Svi te znamo sa tribine kao jednog od najaktivnijih, kada je sve to počelo?

SEFA: Hehe... ovako, nabavio sebi net i čačkao po njemu, bog sami zna kako sam došao do stranice BHF-a, za njih sam čuo prije ali sam mislio da su to «Gazije». Registrujem se na stranicu. Sjećam se ko danas, trebala je bit tekma u Dortmundu protiv Japana. Ja slao e-mail, dal sam dobro ne znam, uglavnom odgovor nisam dobio. I odlučim da odem na tekmu. Jebo ga ti trema, ne znam ni sam. Pokupim neke jarane iz Berlina i pravac Dortmund. Čak sam i sam

SEFA: Holandija je bila sljedeća. Tad su naši zlatni momci postali svjetski prvaci. Pa je trebalo na Maltu da se ide, ali sam nešto zasro tako da nisam vidio Malte, onda Moldavija ... Svaka tekma ostaje u sjećanju

BHF: Naravno, ali koja je posebna, koju tekmu bi izdvojio da je bila NAJ po bilo čemu?

SEFA: Visoko rukomet, protiv Švedske. Mislim da je najbolje izdanje što se dvoranskog navijanja tiče. Čitava hala je navijala, ili trenutak kada smo prozivali djecu na drugoj strani.

BHF: januar a 10-15 stepeni, a ti dinchi i sani ste se potrudili da bude jos žešće. Tad sam prvi put vidio tvoju tetovažu, koja je u

međuvremenu postala jedan od simbola BHF-a. Kada i kako si se odlučio da je uradiš?

SEFA: hehe ima tu još jakih tetovaža, odlučio sam se pred tekmu na Malti, koju nisam vidio hehe. I prije toga sam htio nešto, ali sam tražio motiv. Onda sam se odlučio za BHF, ne iz furke nego zato što je to postalo dio mog života, kao treće dijete.

BHF: Kad već spominješ djecu, tvoj mali je također u BHF-u, hoće li i on babinim stopama?

SEFA: Mamu ću mu jebat ako ne krene hehe, jer nema ništa ljepše od tribine. Naravno da će da krene, čekam jos koju godinu da napuni pa idemo zajedno.

BHF: Mnogi ne znaju da ti često prevališ hiljade kilometara iz Berlina samo da bi gledao tekmu u Bosni i Hercegovini. Je li BHF tebi stvarno tako puno znači?

SEFA: Znači mi puno. Volim i gostovanja kao i domaće tekme. A pošto živim u jebenom Berlinu za mene je svaka gostujuća, ali mi nekako u BiH najbolje. Kad raja iz čitave BiH može doći na tekmu, pa vala mogu i ja i ostali.



BHF: A kakvo je navijanje u Berlinu, jel istina da si i tamo navijački aktivan?

SEFA: hehe jeste, mnogi takođe ne znaju da je što se navijanja tiče u njemačkim ligama bolje u nižim. Jebo Bundesligu, po meni je sve to komerc. Otkad sam došao u Berlin navijam za moj jedini Union. Idem sa ekipom „wuhlsydikat“. Pošto mi je ime zajebano, dobio sam ga po dedi, zovu me „BOSNIER“

BHF: Odlično, nego da se vratimo BHF-u. Vodio si korteo u Zenici. Kako su se proveli „kežualci“?

SEFA: Lijepo, trčali su na sve strane. Naivno su to uradili, ali jbg mislili su da smo pičke a mi smo im dokazali da nismo. Ne dirajte nas, ne diramo vas. Bilo ko da krene na nas uvijek ćemo se suprostaviti. Ne krivim sve Robijaše ili Zeničane, ali to se ne smije događati više. To su bila neka djeca koja su na netu čuli za casual furku, a ne pravi Robijaši.

BHF: Ništa drugo nismo ni očekivali. Kakvi su planovi za budućnost, jesu li vezani za BHF?

SEFA: Jesu, jos bolji kop, organizacija, šake i grla ne štediti.

BHF: Samo tako, Sefa hvala ti i vidimo se na tekmi.

SEFA: ako Bog da, nego mogul ja nekog pozdraviti?

BHF: Samo naprijed

SEFA: Pozdravljam sve članove, simpatizere i ne zaboravite gdje nam je mjesto. Na tribini a ne za kompjuterom!!! Toliko od mene.

BHF: Hvala jos jednom

SEFA: Molim. SMRT SAVEZU!!!

✦ Zenica, BiH-Makedonija ✦

BHF se okuplja na zakazanom mjestu, tj. Kamberovića polju a već pri izlasku iz busa vidjelo se da će atmosfera biti odlična i paklena.

Lagano se skuplja sve više raje, što čini atmosferu napetijom, ali se opuštamo uglavnom uz pjesmu a neki i uz pivu ili dvije.

Nakon okupljanja, kreće korteo na čijem je čelu «Sefa» koji drži situaciju pod kontrolom, nigdje nema naznaka da će se desiti bilo kakav napad na BHF. Nakon prelaska mosta približavamo se stadionu, tačnije istočnoj tribini, čuju se provokacije čije citiranje nije prikladno ali ni vrijedno pomena. BHF

nastavlja put u korteu prema stadionu ali kao grom iz vedra neba polijeću flaše i kamenje iza grmova i pojavljuju se tzv. «kežualci» koji su valjda mislili da je BHF slaba navijačka skupina i da ćemo se rasuti, ali su se grdno prevarili. Vođa kortea drži sve konce pod kontrolom i niko ne bježi, puštamo naivne «kežualce» da priđu. Kada su došli na nekih 5 metara od nas na megafonu se čuje SAD!!!! SAD!!!! To je bilo dovoljno da krenemo na njih i pošteno ih isprašimo, barem one koje smo uspjeli stići. Jedno im se mora priznati, a to je da su brzi kao vjetar. Nakon toga dolazi specijalna policija, takozvane «kornjače», ali nama nije bilo jasno zašto se tek sad pojavljuju...

Mi nastavljamo put prema sjevernoj tribini.

www.bhfanatics.com





Nakon kontrole na ulazu napokon smo ušli na tribinu, formira se kop, a u njemu se može vidjeti novina - uradjeni su i stendardi za koje je zadužena naša TIFO grupa na čelu sa Mešom, kao i naše male bar zastavice.

Tokom utakmice gromoglasno navijanje BHF-a nije prestajalo a također trebamo pohvaliti Belay Boyse i Bh Legionare koji su stali sa BHF-om da zajedno damo podršku JEDNOJ I JEDINOJ.

Diže se i parola "GOSPODO DANI SU VAM ODBROJANI" sa čime se dokazuje da nismo ni "gospodu" iz saveza zaboravili, a najviše se odnosilo na USRANOVIĆA i KUREŠA, kojima su dani na slobodi definitivno odbrojani i vrijeme im je da idu zatvor gdje im je i mjesto.

Nakon tekme krećemo zajedno prema busevima, ali ovaj put uz pratnju murije. Dolijeće jedna flaša na izlazu, ali na sreću nikog ne pogađa tako da mirno nastavljamo

put. Pri dolasku do buseva «kežualci» aka «atletičari» osim trčanja pokazuju još jedan talenat, a to je dalekometno bacanje flaša i kamenja. Iz mrklog mraka, sa nekih 30-ak metara, razbijaju šoferšajbu i staklo na busu, murija nijemo posmatra ali BHF NE. Naravno mi opet trčimo za njima kroz ono polje ali su «atletičari» davno umakli i murija nas vraća.

Ostatak puta je prošao mirno. BHF je odradio jednu odličnu tekmu, i ovi «problemi» sa «hardcore» momcima su nam poslužili da dodatno očvrsnemo i pokažemo čitavoj navijačkoj sceni da BHF može da se odbrani, ali se takođe nadamo da nam to više neće biti potrebno. Barem ne u srcu naše domovine!

navijača

Zetra: BiH - Grčka i Armenija (hokej na ledu)

15.02.2008 Zetra: BiH-Grčka



Za ovaj stop BHF-a, moglo bi se reći da je solidno odrađen, uzimajući u obzir koliko je u našoj zemlji hokej uopšte pouzdan i razvijen. Ipak, unatoč tome, BHF je bio na visokom nivou i kao i uvijek dao sve od sebe da pruži dobru podršku reprezentativcima.

Okupljanje članova bilo je zakazano pred samom dvoranom, nije bilo za očekivat da se pojavimo u velikom broju, tako da

se na prvoj tekmi okuplja nekih 20-ak članova. Lagano ulazimo u dvoranu, kačimo transove, formiramo kop i pjesma počinje.

Što se tiče navijanja bilo je veoma dobro i konstantno, pogotovo na samom početku i u trećoj trećini, kada se pokušava na noge podići ostatak dvorane šetajući tribinom i pjevajući (ali uzalud). Na samom kraju tekme naš "Travnik" pali strob, na što redari (gorile) i murjaci burno reaguju. Tu nastaje mala gužvica, čupaju nas na silu sa tribine, guraju u čošak, čak bez razloga momka udaraju, zagrizli su pravo, peglaju nas zbog gluposti, troše papire i olovku popisujući nas, oduzimaju nam vrijeme i nakon svega toga puštaju. Sve u svemu fino izdanje, ako zanemarimo posjetu i rezultat.

17.02.2008. Zetra: BiH - Armenija

Kao i na prvoj, i na ovoj tekmi članovi se okupljaju pred dvoranom gdje slijedi ono standardno: ulazak u dvoranu, transovi, kop i ono bez čega se ne može, pjesma.

Navijanje znatno bolje, pjesma u nekim dijelovima čak nije prestajala. Ovaj put naš «Travnik» nije došao u dodir sa pirotehničkim sredstvima, tako da nije bilo ni problema sa murijom.

I ovaj put stvaramo jedan lijep ambijent i finu podršku našim reprezentativcima.

Završava se tekma, pozdravljamo se s igračima, kupimo njihove rekvizite, napuštamo dvoranu, i već počinjemo planirati NEXT STOP.



NAVIJACI U SVIJETU - EGIPAT



EGIPAT, prvo što nam padne na pamet kada pomenemo ovu sjeverno afričku zemlju su piramide i pustinja. Mnogi ne znaju da je Egipat ujedno i najtrofejnija fudbalska nacija na crnom kontinentu sa 6 titula prvaka od kojih su dvije na posljednja dva prvenstva. Egipatski fudbal nije samo jak na reprezentativnom nivou, u Egiptu egzistiraju i dva najslavija i najpopularnija afrička kluba. Al-Ahly i Al-Zamalek su sve što je vrijedno pomena, ostali klubovi su apsolutno nemoćni i neprimjetni pored ova dva velikana. Nešto slično je i sa navijačkom scenom, vjeruje se da Al-Ahly ima 50 miliona navijača u svijetu. Usporedbe radi, recimo da Egipat ima 80 miliona stanovnika. Ova dva kluba su ujedno i gradski rivali što njihovim utakmicama daje dodatnu draž.

Navijači Ahly-a se popularno nazivaju Ahlaweya. Ova grupa ima veliki broj podgrupa od kojih treba izdvojiti: ALU, AFC, Ultras Ahlawy.

ALU Ahly lovers union

Grupa je osnovana 2000. godine. Osnivači su bili sedmorica nepoznanika koji su se povezali preko interneta. Tu je pao i prvi dogovor da se pokuša napraviti nešto ozbiljnije. Uspjeli su okupiti 40-ak ljudi i počeli su zajedno ići na utakmice i zauzimati istočnu tribinu Mokhtar stadiona. Prvi znaci ozbiljnije organizacije pojavljuju se 2001. godine, kada ova grupa za prijateljski meč sa Real Madridom pravi zastavu 20X40 metara. Mnogi ovo vide kao znak stvaranja prve prave tifo grupe u Africi. Grupa je danas izgubila svoj nekadašnji sjaj, ali ostaje činjenica da su utemeljitelji novog načina navijanja na čitavom jednom kontinentu.

AFC Ahly fans club

2004. godine grupica od 10-ak momaka pod snažnim uticajem evropskog, a posebno talijanskog načina navijanja odlučuje da pokuša nešto slično što je ALU odradio par godina ranije. Oni kao svoju tribinu uzimaju sjever. Kao što je već napisano, ugledaju se na talijanski način navijanje prije svega, i prvi počinju koristiti baklje.





Ultras Ahlawy

2007. godine 5 «žestokih» momaka dolazi na ideju da osnuje novu navijačku grupu. Prvenstveni razlog za ovo nalaze u tome što se već postojeće grupe, prema njihovom mišljenju, više okreću promovisanju sebe kroz medije a manje brinu o izgledu tribine i načinu navijanja. Odlučuju da se pridruže AFC-u na sjevernoj tribini gdje će u narednih nekoliko mjeseci biti mjesta za obe grupe. Ali od februara 2008. AFC više nije na toj tribini. Razloga može biti više ali mnogi su spremni reći da su ih Ultrasi nadvladali i otjerali sa tribine koja je nekad pripadala samo njima. Sa druge strane imamo navijače



Zamaleka, koji su u zadnje vrijeme dosta aktuelniji od najljućih rivala. Naime oni nisu bili zadovoljni odnosom Egipatskog fudbalskog saveza prema nekim igračima reprezentacije (zvuči poznato???) pa su u više navrata protestovali protiv takvog ponašanja.

Zanimljivo je reći da Zamalek, kao i njegove navijače, često povezuju sa drugim klubovima koji se nazivaju filijalama ovog velikog kluba. Naime često se na utakmicama nekih drugih egipatskih prvoligaša među navijačima mogu vidjeti zastave giganta iz Kaira.

Od ostalih grupa treba izdvojiti navijače Ismailie, pogledajte i zašto:



BHF Tifo

BHF od sada ima i STENDARDE koji su prvi put prikazani na tekmi protiv Makedonije i mi ovim putem predstavljamo neke a ostale možete vidjeti u našoj galeriji.



TETOVAŽE



Mnogi svoju pripadnost i ljubav prema BHF-u iskazuju na poseban način - tetovažama. Mnogo momaka i djevojaka se odlučilo da se zauvijek «obilježi» kao BHFanaticos. U nastavku pogledajte samo neke od tih uradaka:

BHF
Semper Fidelis



NISAM KRIV!

DESIGN BY BHF



KANDIDAT ZA GENERALNOG SEKRETARA NFSBIH

ZA VOĐU BHFANATICOSA

Draga gospodo i drugovi iz BH Fanatikosa,

Čujem da pokušavate iz petnih žila da nam zajebete našeg druga i gospodina Muniba, legendu bh. oranica i terena, što se pohlepom, lopovlukom, lošom mezom i pričom o boljitku našeg fudbala-nogometa prse i diče...

Ne dirajte nam Muniba...Jer Muniba opet treba postaviti na prijesto.....đe mu je i mjesto...

Kako da ponovo ne izaberemo našeg Muniba, kad on odlično poznaje engleski jezik, perfektno poznaje evropski bonton, vrhunski poznaje škotski viski, vanserijski poznaje srpske krmenadle i Karađorđevu šniclu, ima sjajne veze sa bratskim savezima Srbije, Poljske, Madagaskara, Albanije, Kenije, Ruande, Zimbabvea, sa iranskim šahom ne da igra šaha, nego ga razvaljuje u boćanju, a u radu po učinku / učiniš ti meni učinim ja tebi/ je majstor nad majstorima....

Kako da ne izaberemo našeg Muniba, jer njegove uvijek bistre i tople oči, zrače optimizmom, patriotizmom, alkoholizmom...hm...pardon, skrivenim altruizmom, on svojom vedrinom plijeni ne samo na evropskim i svjetskim nego i na terenima od Laktaša pa do Trebinja...

I zato ne dirajte nam našeg Muniba, jer takvu gromadu bh fudbal što se nogometom zove još nije imao, takvog vođu, stijenu u savezu, savez još nije imao, jedan je naš Munib, takvo što majka ne rađa, to završi u teglama da studenti imaju s čim da se vježbaju...

Dobar je to čovjek, ako se može takvo što za njega reći, ima on i dobrih strana, samo ih je teško pronaći, zna on pokazati da voli BIH, samo što to teško prevali preko usta, i na kraju voli on i Vas, samo ga vi ne razumijete, jer obično Vam se pijan obraća, a pijani ljudi ne kontaju ni sami sebe...

I zato, vapaj Vam šaljem oooooo, BH Fanatikosi, ne dirajte nam u Muniba, jer Munib je naš, a mi smo njegovi.

Čuvajte nam Muniba ko zjenicu „saveza“ svog!!!!

Vas veliki fanatik iz pekare kod Gezelkirhena (a to je kad se podje prema gornjem Drezdenu u pravcu Frankfurta ali ne od onog na Majni neg' onog pored Hadzica)

BHAF

Semper Fidelis



B H F A N A T I C O S